



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Evangelia: Qvæ Vsitato More in diebus Dominicis &
Festis proponuntur, Annotationes Philippi Melanth.**

Melanchthon, Philipp

Vuitebergæ, 1544

VD16 E 4532

Dominica Decima Nona Post Trinitatis, Evangelivm Matthæi Nono.

urn:nbn:de:hbz:466:1-35272

DOMI. DECI. OCTAVA

Messia. Sed facilis est explicatio recte intelligentibus prophetias. Primum constat prophetias loqui de liberatione à peccato & à morte, & de noua & aeterna uita. ut in hoc Psalmo dicitur. Tu es sacerdos in aeternum secundum ordinem Melchisedech. uocat igitur Dominum, quia scit se accipere ab eo hæc beneficia, liberationem à peccato & à morte, & uitam aeternam. Item uocat Dominum, quia scit eum diuina potentia regnaturum esse, sicut inquit, Sede a dextris meis. Item, scit illum promissum liberatorem esse filium Dei, sicut antea inquit, Hodie genui te. Scit eum iam regnare, & belligerari cum diabolo, sicut Esaias uocat eum Emanuel, & Psalm. 71. dicitur, Et adorabunt coram ipso semper, ubi totus Psalmus loquitur de uenturo Messia, qui tamen est aeternus. Erit nomen eius aeternum, ante solem existit nomen eius, & benedicentur in ipso omnes gentes.

DOMINICA DECIMA NONA POST TRINITATIS, EVANGELIUM MAT. THAEI NONO.

Et ascendens

ET ascendens in nauiculam trans-
fretauit, & uenit in ciuitatem suam,
Et ecce offerebant ei paralyticum iacen-
tem in lecto. Et uidens Ihesus fidem il-
lorum dixit paralytico, Confide fili, re-
mittuntur tibi peccata tua. Et ecce qui-
dam de scribis dixerunt intra se, Hic
blasphemat. Et cum uidisset Ihesus co-
gitationes eorum, dixit, Vt quid uos co-
gitationis mala in cordibus uestris? Quid
enim est facilius dicere, dimittuntur tibi
peccata: an dicere, surge & ambula? Vt
autem sciatis, quia filius hominis habet
potestatem dimittendi peccata in terra,
tunc ait paralytico, Surge, tolle lectum
tuum, & uade in domum tuam. Et sur-
rexit & abiit in domum suam. Videtes
autem turbæ, admiratæ sunt, & glorifi-
cauerunt Deum, qui dedit potestatem
talem hominibus.

TRES SVNT
præcipui loci.

- I. Differentia ueteris & noui Testamenti.
- II. De absolutione priuata.

III. Calas

DOMI. DECI. NONA

III. Calamitates humane sunt pene peccatorum
sed sunt iustis exercitia, & mitigantur.

DE PRIMO.

Lex Moysi nec remittit peccata, nec mandat
dici, remittantur tibi peccata. Quamquam
enim habebat sacrificia, quae uocabantur placae
tionēs, tamen caeremoniae illae tantum merebantur
talem remissionem, ne is pro quo sacrificaban-
tur, excluderetur ex illo populo, & epistola ad
Ebreos ait, Impossibile erat sanguine taurorum
tolli peccata. Praeterea lex, etiam si quid dicit de
remissione, tamen non dat gratuitam remissio-
nem, sed simul requirit integram obedientiam.

Porro, nisi remissio sit gratuita, erit irrita,
nemo enim legi satisfacit. Ideo Paulus dicitur
de particula gratis, & hanc constituit differen-
tiam inter Euangelium, & legem. Euangelium
gratis propter filium Dei remittit peccata creden-
tibus, & institutum est ministerium, in qua expressa
annunciatur remissio, aut multis aut singulis. Sed
quaeratur aliquis. Quomodo igitur sancti in uete-
ri Testamento consequebantur remissionem? Re-
spondeo. Praeter ministerium legis erant reuelatae
promissiones de Christo. Has debebant sacerdotes
etiam

POST TRINITATIS. 98

etiam proponere populo, ut scirent remissionem offerri, propter illam uenturam uictimam, & crederet quisq; se hac fide consequi remissionem, sicut David ait, Beatus qui confidit in eo. & Esaias, Quia ponet animam suam hostiam pro peccato &c. & Zacha. In sanguine testamenti tui emittes unctos de lacu. Sed quia hic intellectus promissionum sepe obliterabatur, ideo Deus per Prophetas eum subinde restituebat. Cum his dimicabant sacerdotes, qui interea suas ceremonias, superstitione, & auaricia, cumulabant, & contendebant eas mœreri remissionem. Has opiniones sepe reprehendunt Prophetae, ut, Holo-caustis non delectaberis. Habebant ergo patres remissionem inuolutam in promissionibus de Christo.

DE SECVNDO.

IN Euangelio institutum est ministerium, expressa uoce, annuncianda remissionis peccatorum omnibus credentibus in Christum. Et haec annunciatio non solum in genere multis proponi potest, ut doctrina, sed etiam applicari singulis, sicut dicit Christus, Si petet, remitte ei. Vt igitur recte dicat minister ad singulos, ut quisq; credat in Christum

DOMI. DECI. NONA

Christum, iuxta illud. hic est filius meus dilectus, hunc audite. Ita rectè dicit minister cuilibet. Annuncio tibi ipsi uerè donatam esse remissionem credenti in Christum. Hæc applicatio priuata reddit promissionem illustriorem, & ostendit beneficium Euangelij ad te pertinere.

DE TERTIO.

Calamitates sunt pars legis. i. carcer humane nature, in quem propter peccatum inclusi sumus, sicut Psalmus inquit. Propter iniquitatem corripis filios hominum, Et Paulus, Corpus mortificatur propter peccatum, scilicet, hærens in carne. Ideo Christus primum hic remittit peccata, postea tollit morbum, ut admoneat nos hanc naturam obnoxiam esse morti, & calamitatibus, quia est immersa peccato. & testetur, se esse liberatorem, qui uelit utrumq; tollere, causam, & effectum, peccatum, & mortem, & reddere perpetuam iusticiam, & uitam.

Cur ergo Sancti consecuti remissionem peccatorum, tamen affliguntur? Respondeo, sicut Paulus inquit, Corpus mortificatur propter peccatum, scilicet hærens in carne. Quia enim peccatum nunc imputatione sublatum est, & re ipsa manet

POST TRINITATIS. 99

manet infirmitas carnis, uult eam Deus mortificari, ut in illis exercitijs exerceatur & luceat fides, Item, ut Deus ostendat suam gloriam in nostra infirmitate aduersus Diabolum, quem uincit per infirmos, iuxta illud, Scitote, quod mirificat Deus sanctum suum. Id est, mirabiliter liberat, ostendens gloriam suam in nostra infirmitate, cum desertos, abiectos, præter omnia humana consilia, præter omnium opinionem seruat.

DOMINICA XX POST TRINITATIS. EVANG.
MATTHÆI 22.

ET respondens Ihesus, dixit iterum in parabolis eis, dicens. Simile est regnum cœlorum homini regi, qui fecit nuptias filio suo, & misit seruos suos, ut uocarent inuitatos ad nuptias, & nolabant uenire. Iterum misit alios seruos dicens, Dicite inuitatis, ecce prandium meum parauit, tauri mei & altifera mactata sunt, & omnia parata, uenite ad nuptias. Illi autem neglexerunt, & abierunt,
m alius